

13. *An habeamus communionem cum corpore & sanguine Christi? Sic est, quatenus videl. illa sunt data pro nobis. Itaque hæc communicatio non est quantum ad naturæ consequentiam, sed quantum ad munere gratiam.*

14. *An communicatio sanctorum sit æterna? Affirmatur de statu gloriæ.*

CAPVT XXXII.

*De Justificatione.*

I.

**Q**uid sit iustificare? Vox hæc Ciceroni & alijs prioribus purioribusq; linguæ Latinæ authoribus prorsus ignota, theologis est vsitatissima. Significat autem, si notationem & analogiam spectes, iustum facere, vt sanctificare, sanctum facere; ædificare, ædes facere. At si vsum respicias, significatio hujus vocis est forensis, & idem est, quod iustum censere, reputare, & pronuntiare.

1. *An iustificatio & remissio peccatorum sint unum? Si iustificatio consideretur in latitudine sua, statuitur thesis negatiua. Nam si Adam perstitisset in primæua sua integritate, vtique iustificatus fuisset citra remissionem peccatorum. Itaque iustificatio le-*

K 6 galis